

Rock & Road taldea:

“Denboraz larri baina gogoz, primeran gabiltza”

Maialen Agirregomezkorta (saxoa), Asier Cascán (gitarra), Danel Ferreño (bateria), Mikel Sánchez (gitarra eta ahotsa) eta Axier Uranga (baxua) ermuarrek Rock & Road taldea osatzen dute. 18 urtetik 21 urtera bitarteko gazte hauek duela gutxi elkartu ziren eta dagoeneko lehen diskoa kalean dute.

- Nola sortu zen Rock & Road taldea?

Duela 3 bat urte sortu genuen. Mikel gitarra jotzen hasi zen eta Danelek bateria jotzen zuen musika eskolan. Koadrila berekoak dira eta arratsalde batean, aspertuta zeuden lokalean eta zerbait pentsatzen hasi ziren. Axierrek baxua jotzen zuen Musical Araban. Taldean jotzeko bere burua eskaini eta hurrengo egunean deitu genion. Beste gitarra bat sartzeko asmoa genuen eta lagun bati eskaini genion, baina txarto zebilen denbora aldetik eta ezezkoa eman zigun. Horregatik Asierri eskaini genion, txikitatik ezagutzen dugu, musika eskolan ibilitakoa da eta bera hasi zen gurekin.

- Eta nola sartu zen Maialen?

Fitoren bertsio batzuk egiteko asmoa genuen eta Maialenek saxoa jotzen duenez, berarengana jo genuen lagunza eske, saxofoiarekin abesti batzuei kolorea ematea nahi genuen-eta. Azkenean gurekin geratu da.

- Nondik dator zuen izena?

Axierri bururatu zitzaion. Gure asmoa herriz herri ibiltzea da jotzen, eta bidean denbora asko pasatuko dugu. Hortik dator ‘road’ (bidea) eta guk Rock & Roll-a jotzen dugunez... Erregistratuta zegoen edo ez begiratu genuen, baina azkenean horrekin aurrera egitea erabaki genuen.

- Egun batetik bestera ekin zenioten jotzeari?

Bai, bat-bateko kontua izan zen. Entseatzeko lokalekin ere sekulako zortea izan genuen. Betitxartoko lokaletara galdetzeraz joan ginen eta beste talde batzuekin konpartitutako lokala topatu genuen.

- Inguruko laguntza izan duzue?

Alboka Musika Eskolako irakasleek asko lagundu digute eta Musical Arabako Asier irakasleak ere gitarra-ekin asko lagundu digu. Gainera, batzuen kasuan, gurasoak ezinbestekoak izan dira musikan gure bidea egiteko, musika tresnak erosi dizkigutelako.

- Nola uztartzen duzue musika ikasketekin?



Ahal dugun moduan, baina oso zaila da. Azterketa garaietan gaude eta ez da erreza denok elkartzea. Elkarrizketa hau egiteko ere zoratu egin gara! Axierrek ingeniari-ritza ikasten du Eibarren, Asierrek haur-hezkuntza, Maialenek DBHko 2. maila bukatu du eta Danelek musika irakasle izateko ikasten dihardu. Bakoitzak bere ordutegiak ditu eta azkenaldian entseatzeko ere arazoak izan ditugu.

- Noiz entseatzeko duzue?

Ostiral edo larunbat arratsaldetan biltzen gara, baina kontzertuak baditugu, gaue- tan ere entseatzeko dugu.

- Zenbat kontzertu eman duzue dagoeneko?

Ermuan 3 bider jo dugu. Lehenengo kontzertua Santi-

xueta eman genuen Valdespinan, eta horren ostean Londonen eta Lurpen jo dugu. Azken kontzertua Elgoibarko gaztetxean izan dugu eta guretzat onena izan da. Talde moduan heldutasuna igarri dugu eta diskoa jada kalean egoteak ere lagundu digu. Leku aldetik ere, inoiz baino leku zabalagoa izan dugu, eta gaztetxeko ekipak erabili ditugu, guk, musikariok, jotzen dugun musika entzun ahal izateko. Normalean oso deseroso jotzen dugu, gure entzuleek musika entzun dezaten ipintzen dugulako ekipoa, eta guk ez dugu entzuten, bateria joleak esaterako, ez du ezer entzuten.

- Zuek bilatzen dituzue zuen kontzertuak?

**mari
asun**
LORADENDA
Diputazioa 9 - ERMUA - Tel. 943 174379



**MUSIKA
ESKOLA**

- Akordeoia
- Biolina
- Biolontxelo
- Bonbardino
- Flauta
- Kantua
- Gitarra
- Gitarra elektrikoa
- Gitarra baxua
- Lengoia musikala
- Klarinetea
- Panderoa
- Perkusioa
- Pianoa
- Saxofoia
- Tikitritxa
- Tronboia
- Tronpeta
- Txistua

Tel. 943 17 12 98 / 943 17 18 00 • albokamusikaeskola@hotmail.com

Bai, nahiz eta Ermuan eskaintzak egin izan dizkiguten, 'Gaua zabalik' en jotzeko, besteak beste. Hala ere, guk Ermutik irten nahi dugu. Hemen jotzen dugunean jende bera etortzen da gure kontzertuetara eta azkenen nekatu egingo dira! Gure lagunak etortzen dira eta kanpoko jendeak gu entzutea nahi dugu.

- Datozen hilabeteetarako baduzue kontzerturik lotuta?

Ez. Orain uda dator eta bakoitzak bere planak ditu. Datorren urtean, berriz, oporrak adostu beharko ditugu, kontzertuak emateko garai oso aproposa da uda eta ezin dugu aukera hori galdu.

- Zer dela eta ateratu duzue diskoa?

Martxoan ateratu genuen, gure burua aurkeztu ahal izateko-edo. Kontzertu bila zaudenean, ezin diozu jendeari esan myspace edo youtuben sartu eta zure musika entzuteko; baietz esan, baina inork ez duela ekiten. Diskoa eramaten berriz, ipini eta entzun besterik ez dute egin behar. Hala ere, jendeak ez du erantzuten. Durangon, Zornotzan, Eibarren... leku askotan utzi dugu diskoa, baina ez digu inork deitzen ez baietz ez ezetza emateko. Lehiaketetan parte hartzeko ere izena eman dugu, baina ez da gauza handirik irteten.

- Hala eta guztiz ere, animoz ondo zaudete?

Bai, denboraz larri baina animoz oso ondo!

"Astebururo jotzea da gure helburua, izerditu eta jendeak gurekin ondo pasatzea"

- Grabazioa luzea izan zen?

Asteburu batean egin genuen, estudioaren alokairua dirutza delako. Pare bat egunetan joan eta ahalik eta hoberen egitea izan zen gure asmoa.

- Zenbat disko kaleratu dituzue?

500 eta ia gehienak saldu ditugu. Gainera, materiala erosteko dirutxo ateratu dugu, musika kontuak oso garestiak baitira.

- Denak euskaldunak izanda, zer dela eta abesten duzue gaztekeraz?

Mikelek idazten zituen gure kantak eta ez dauka euskaraz idazteko erraztasunik. Orain Maialenek ere abestiak sortzen ditu, euskaraz, eta kontzertuetan abesti batzuk euskaraz jotzen ditugu. Diskoan ere, euskarazko abesti bat sartzeak ginen, baina ez genuen ondo landuta oraindik. Gainera, musikari ekin genion ez genuen neurtu noraino helduko ginen, zerbait egitearren hasi baikin, orain gehiago erreparatu diogu.

- Zein da zuen helburua?

Jotzea eta ondo pasatzea. Euskal Herrian jotzea da gure hasierako asmoa, kanpokoan ere ahal bada, baina hasieran behintzat Euskal Herrian, astebururo. Betitxartoko lokaletan jotzearen entseatzaren duten taldeak daude, noizbehinka zerbait egitearren, baina guk ez dugu hori nahi, guk jo nahi dugu, izerditu eta jendeak gurekin ondo pasatzea. Horrez gain, hobetzea, beti dago zer hobetu... Orain gure diskoari begiratzen diogunean, askoz hobeto egin genezakeela ikusten dugu.

- Zuekin harremanetan jarri nahi dutenek nora jo behar dute?

Gure abestiak Interneten entzun eta deskargatzeko aukera dago (www.myspace.com/rock.and.road). Twenty eta Twitter ere badakugu. Diskoak Lurpen eta Musical Araban daude salgai eta gure telefonoa 696326447 da. Ea jendea animatzen den!

Dorleta Vidal



san pelayo
clínica dental hortz klinika

San Pelayo 5, 1º
Ermua (Bizkaia)

Olatz García Arregui

943 17 04 04

Quetzal berria!!

[arropa, bitxiak, opariak...]

ekainetik aurrera
Eibarren ere

Goienkale, 9 • 48260 ERMUA 943170065
Zuloagatarren, 7 • 20600 EIBAR 943531500

ZUTIK
garagardotegia

Ogitartekoak,
hanburgesak,
plater konbinatuak,
kaxolak...

konpainiarik onenean!!

Zubiaurre 21 - arkupeetan
ERMUA • 94317 39 78

ETXERA
eramateko
616 80 22 81

Zure publizitatea...

drogetenituri
aldizkarian

943179350
688 632876
Erdikokale 2, 1
drogeten@gmail.com

J. LUCAS

PINTURA EN GENERAL

630 22 51 36 / ermua@hotmail.es

· Ermuko
· Merkatarien
· Elkarteko
· kidea.
· 3 hilean
· ordaindu
· interes barik